

山海經第八

晉郭璞傳

海外北經

海外自東北陬至西北陬者

無脊之國

音啓或作蔡

在長股東爲人無脊

脊肥腸也其人穴居食土無男女死即葬之其

心不朽死百廿歲乃復更生

鍾山之神名曰燭陰

燭龍也是燭因名云

視爲晝瞑爲夜吹爲冬呼爲

夏不飲不食不息息爲風

息氣也

身長千里在無脊之東其爲物

人面蛇身赤色居鍾山下

淮南子曰龍身一足

一目國在其東一目中其面而居一曰有手足

柔利國在一目東爲人一手一足反膝曲足居上

一腳一手一反卷曲也

云留利之國人足反折

卷六

山海經

共工之臣曰相柳氏

共工霸九州者

九首以食于九山

頭各自食一山之物言貪暴難

廢相柳之所抵厥爲澤谿

抵觸厥掘也音撤

禹殺相柳其血腥不可以

樹五穀種禹厥之三仞三沮

掘塞之而土三沮陷也

乃以爲眾帝

之臺

言地潤溼唯可積土以爲臺觀

在崑崙之北

此崑崙山在海外者柔利之東相柳者

九首人面蛇身而青不敢北射畏共工之臺臺在其東臺四方

隅有一蛇虎色首衝南方

衝猶向也

深目國在其東爲人舉一手一目

一作

在其工臺東

無腸之國在深目東

一作

其爲人長而無腸爲人長大腹內無腸所食之物直通

過

聶耳之國在無腸國東使兩文虎爲人兩手聶其耳

言耳長行則以手攝

持之也音諾煩反

縣居海水中

縣猶邑也

及水所出入奇物有之

兩虎在

其東



夸父與日逐走入日言及日於將渴欲得飲飲于河渭河渭不

足北飲大澤未至道渴而死弃其杖化為鄧林夸父者蓋神人

日景而傾河渭豈以走飲哉寄用於走飲耳幾乎不疾而速不

行而至者矣此以一體為萬殊存亡代謝寄鄧林而遞形惡得

尋其靈

化哉

博父國在聶耳東其為人大右手操青蛇左手操黃蛇鄧林在

其東二樹木一曰博父禹所積石之山在其東河水所入崑崙

而潛行地下至蔥嶺復出注鹽澤從鹽澤復行南出於此山而

為中國河遂注海也書曰導河積石言時有壅塞故導利以通

之

拘纓之國在其東一手把纓言其人常以一手持冠一曰利纓

之國尋木長千里在拘纓南生河上西北

跂踵國跂音在拘纓東其為人大兩足亦大地也孝經鈞命訣

曰焦僥跂踵一曰大踵

重譯款塞也

歐絲之野在大踵東一女子跪據樹歐絲言噉桑而吐

三桑無枝在歐絲東其木長百仞無枝言皆長

范林方三百里在三桑東洲環其下洲水中可居

務隅之山帝顓頊葬于陽顓頊號為高陽家今在濮陽故帝丘

九嬪葬于陰嬪婦一曰爰有熊羆文虎離朱鴟久視肉

平丘在三桑東爰有遺玉遺玉玉石青鳥視肉楊柳甘柎其樹枝幹

白葉黑實呂氏春秋曰其山之甘華亦赤枝百果所生有兩山

東有甘柎焉音如相梨之柎

夾上谷二大丘居中名曰平丘

北海內有獸其狀如馬名曰駟駟陶塗兩音有獸焉其名曰駮

狀如白馬鋸牙食虎豹周書曰義渠茲白茲白若白馬鋸有素

獸焉狀如馬名曰蜚蜚即蜚蜚鉅虛也一走百有青獸焉狀如

虎名曰羅羅



北方禺彊人面鳥身珥兩青蛇踐兩青蛇字孟冥水神也莊周曰禺京一本云北方禺彊黑身手足乘兩龍

卷八

山海經

三

山海經第八終